AMAD ANID NE DWIYE FƏ YWIRI GWI AWE

Chris Oyakhilome, D.Sc., D.D

AMAD ANID NE DWIYE FƏ YWIRI GWI AWE

Chris Oyakhilome, D.Sc., D.D

Isiŋi Àŋwà'rì Dwiye mbe ne ya'i inga aŋa dù inga King James Version chèyi ane mbe ne mbi chwi gha mbi dù inga Ìŋwà'rì Dwiye ndəŋ.

Fourth printing 2009

ISBN 978-978-51521-0-4 Copyright © 2006 LoveWorld Publishing

Published by: LoveWorld Publishing

3, Adebayo Akande Street, Oregun, Ikeja, Lagos, Nigeria.

Email: info@loveworldbooks.org Website: www.loveworldbooks.org

> email: info@loveworldbooks.org website: www.loveworldbooks.org

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

INUG NE YA'I INGA ÀDWÀ'RÌ AZO

1.	AGHO IESI	1				
2.	ÀGHÒ YA WƏD FEG	11				
3.	ÀGHÒ BÈRÌ IKUCHÈG DWIYE BƏ BÈRI ÌTE DWIYE!					
		13				
4.	ÀGHÒ BÈRÌ IKUCHÈG DWIYE WE NE TƏMI KÒ'!	17				
5.	Dwiye fə ghì àghò тәм кò'!	19				
6.	DWIYE FƏ SÒ AWE ÀGHÒ ZEN!	21				
7.	DWIYE WE BƏN AWE CHÌ IKYE IBO ABƏ WƏDPAB!	23				
8.	Azwighi Dwiye ze inga ine!	25				
9.	Aghi ni ghì anyumà ne tidndi tibòd ye'e ine inga					
	ATOG	27				
10.	Aghi ne ghì anyumà ne ìmbe màsà' anun mbe					
	KƏBƏ NI TƏMNI AWE	35				
11.	Aghi ne ghì anyumà ne Àkwà'rì tì Ngə' nyi ig	SUN				
	INE	41				
12.	Azighi Dwiye tì Ine!	47				
13.	ÀGHÒ WA MƏNYÌ' GHÒ INGA IFETI BƏD KRISTO?	57				

Ìmə ìsə' ne mə taŋ kòŋ

Məyakà awe icheg ne àghò fə be gha Yeso Kristo ya ìwe Anɔŋisəg ne pùmnə awe. Ane, àghò si bèri ine'i we ne ya ìte ighəm imɔ'.

Mə kèb ni ghì gha àghò kyeri tesi' we ne bəd məjìm ne ko ni nòŋì ibefin igun Yeso Kristo mbi beri ni kyeri. Tesi' gho biri ghì ìwe ìte inga Kristo təm kà bè bon. Àghò ziye atog mènì inug mbo. Mbi biri nà' chùd ine ane ighèm imo'.

Mə chà'rì Dwiye ine gha Dwiye biri ghì Azwighi Dwiye ze nà'à iwe ze ya' inga ine bè ghì àghò taŋ kyèri inug imbè' Dwiye. Mə chà'rì Dwiye ine gha wì ghiyə aze atog taŋ ze imbè' inug kyen kyen mbe ne wì kàri awe gha àghò noŋo fiŋ igun. Mə bè chà'rì Dwiye ine gha àghò kyeri ighi ijìm mbe ne Dwiye nà'i ine icheg ne àghò yà'i ane ifoti tì Kristo. À ya ane

Àŋwà'rì azo beiri wètì awe ni ko ìwe ìte feg we

ne àghò bèri icheg ne àghò ya'i ane ifɔti tì Kristo. Icheg ne àghò we mènè inug mbo, àghò ya nè inga Àŋwà'rì Dwiye bè nàna inug kwà' àghò aghò.

Mə kyèri gha inug mbe ne ya'i inga aŋa biri kɔpi ìwe ìte bè kòpi ìwe isu icheg ne Ìngam Dwiye we fà'à angu.

Dwiye taŋ zì àbɔròbɔd igun ine inga ikum Yeso Kristo. À ya ane.

Rasto Kris Òyàkìlomè

W**à**d Tesi' Ne Àghò Ya'ı

Àghò ya kayi məyi nyàmnyod ze ne àghò we bàrà. Àghò ya kayi məyi ìkàn izo ne bèri ika ni bàd isiŋi, zug inug, bètì ighi, zwè'i ighi ikye ichug bè ŋwè'ri ifo. Tesi' ya gha, aghi mò'o ze inga ine. Aghi ze ya wèd mò'o ne kayi məyi ìze nyàmnyod. Wèd we ya àze azwighì ze ne àghò bèri icheg wèd-aku. Àghò tesi' ya àze azwighì.

Wèd we ne ya'i inga ine ya wèd we ne Àŋwà'rì Dwiye gha inga 1 Pità 3:4: "Mbè ghiye ìzen ngwèn zì ya' anug ni nòŋì ìten fiŋ te zen bè bèrì fiŋ ne bòto, bè chùghi inye'. Aŋa ya ikuchèg ne mbg me fe bèrì bè nyìmi ze biri taŋ bòŋ imbìghè abe Dwiye" Ànyumè ne nyamnyod wèd ku, azwighì med ya chè imbìghè ne ya' izɔm. Azwighì ze ya yà'a kwà' icheg wèd tì nyamyod icheg wì kè bi ya' boŋ se kùye. Cheyi aghi mò'o ne zwe'e ane med, chèyi ni gha cheyi tì wì ywirì fà' inug inga iseg gho ne te bàrà aniŋ. Nyamnyod med fe ku, si ya gha, wèd tesi' we inga ne ya'i azwighì kiri biri bè kiri beri ìwi ikondi wèd ijìm kwà' icheg ne wì kè bi bèrì boŋ se kùyə.

Yeso Kristo mètì ìmùghì mò'ɔ inga àŋwà'rì Lug 16 imbè' bəd mò'ɔ məbe ne ya ku . Wèd ifibì ya wèd ifum mò'ɔ ny yaya nɔ ne ikum məd ya Lazars. Anug ne angu ya kayi icheg ne wì yaya nɔ. A ya gha, ka wì ya ji'ì ya' wèd ifum, wì ya bèri ikuchèg ne təmi kò'. Anyumè ne wì ya ku, mbi ya nin aməd ghò inga nəb ìzi Abràham. İywin tì wèd ya bè ku. A ya wèd ikab ne ya bèri ighi nɔ' nɔ' inga isəg. Si ya gha, chəyi ikuchèg məd ya təmi kò'.

Kyeri gha anyumè ne wì ya ku, mbi ya tweni

nyamnyod məd igun isəg. Si ya gha, Yeso gha, wèd ikab we ya ya' inga asini ichə ne wì ya no atog nèn ikan si bàra Lazaròs inga nəb ìzi Abraham. Wì ya bàd ane bè kyèri gha a ya Lazaròs. Ane ya gha wì yaya kiri bara isini. Wì ya kàrì Abraham, ghà ibo gha, "Mə bo' ibo ine, wète amə!" Àghò bàd gha wì yaya kiri ghamà. Abraham ya bè ywìti ìngam ibo, wì zug. Ze bè chwi gha wì yaya kiri zughə inug.

Wèd ikab we ya gha ado' mənib ze ko yi. Kayi məyi ado' mənib. Wì yaya zə ngə'. Ane, wì ya bo' ibo abə Abràham gha, "Mə bo' ibo, àghò cha Lazaròs wì na ye'e chèm mənib inum ichug, zùtì ado' inum iki pi'ì." An ug ndəŋ ni kyeri inga imùghì gho ya gha wèd we yaya kiri zughə tibu'.

Inug məd ijìm icheg wèd-aku yaya kiri biri. Tesi' ya gha, wèd we yaya kiri wende inug igun isəg imbè' icheg ne wì ya gha abə Abraham gha, "Mə bo' ibo, cha wèd mò'ɔ wì gho pati ìmbum məfi." Məd bèri məfi məta igun isəg. Wì ya kəndi gha, , 'Wèd mò'ɔ mè nò' aben iwu ghò gham inəb mbi biri bè. 'Ane ya gha, wì ya wendi ìmbi məfi.

Aŋa ya ni chwi gha, anyumè ne wèd ku, azwighì med kiri biri izom. Anyumè ne Dwiye gwi wèd ighem ndeŋ, à ya azwighì med ne mbi gwi ighem ndeŋ.

2Kòren 5:17-18 (NKJV) ghà gha,

"Àze chwi gha wèd mò'o mè ya' ane ifoti tì Kristo, med ya si wèd feg. Inug anun fe chè, mbi feg fe ye'e. Inug mbo ijim nò' abe Dwiye. Wì ya chè anjìm Kristo mànì achob tì ina. Wì fe zì àfà'ì ze ni mànì achob ina gha tì se fà'à."

ÀGHÒ YA SI WƏD FEG NE DWIYE TANGI

Amad anìŋ ne àghò fə nà'i ìwe ìth abə Yeso Kristo bè niŋ isəbi anug gha məd ya' ìwe Anəŋisəg ne sà'a ìwe ìth, ane ya gha, àghò kayi ywìre wèd ne àghò kè bi ya'. Àghò ya si iku wèd feg ne Dwiye tàngi. Chəyi aghi mò'ə ne kəpə igun ìze nyamnyəd, si ya gha, inga ine, àghò fè kəpə ijìm si ya' iku wèd feg ne Dwiye tàngi. Aŋa ya anug ne Àŋwà'rì Dwiye ze gha. Chəyi àghò ya'i icheg wèd feg. Àghò ya si iku wèd feg ne chəyi wì kə bi kə kwi'ì ya'. (2 Kər 5:17).

Àgho kayi wèd mbegtog we ne mbi si kòpi, kè sèmbì inug mò'o inga ine, kè sèmbì isini mò'o ane ine. Àghò ya wèd feg ne Dwiye tàngi. Tesi' ya gha, àghò ya wèd feg ne Dwiye tàngi inga ine. Ane, chəyi ze chwi gha àghò biri si ya' icha igun ìze nyamnyod. Àmə ya' aghi ne àgho kə sèri atog pòd anyumè Dwiye kè nà'i ìtè feg ine, àze atog biri kiri ya' ipòri. Àze atog àfà'ì chəyi ze kɔpɔ.kiri kɔpɔ. Ìwe inəbi fɔrɔ bəd mbe ne ya'i iban ine chəyi mbi bə kòpɔ.

Anug ne angu ya gha, inug ne se bòŋò ine ya yi icha. Inug ne se bòŋò ine ya yi kwà' mbi ndəŋ imbè' icheg ne àghò ya si wèd feg inga ine.

ÀGHÒ BÈRÌ IKUCHÈG DWIYE Foro Ìtẹ DWIYE INGA INE!

Icheg ne Dwiye fə nà' ìth feg ine, ane ya gha Dwiye fə nà' ika ine ni ya' nwan məd (Jon 1:12). Dwiye fə zì ìwi ikuchèg inga àze azwighi. Àghò si bèri ya' ìth feg ne ya iku ìth we ne Dwiye bèri. À ya ìth we ne Dwiye we nà'à abə bəd məjìm ne be Yeso Kristo. Ana ya kwà' chom mò'o ne Dwiye nà'i ine! Ane ya gha àghò bèrì ikuchèg we ne Dwiye bèri. (2 Pità 1:3-4).

Dwiye ya si ìwe Mba'! Ighi ijìm ya gwìye bon mbi ya'a icheg inob. Bog ya kà gwìye bog.

Ane, Jon 1:12-13 gha, "Àsi bəd məjìm mbe ne ya niŋi aməd bà nòŋì ìwob ibefin igun məd, wì ya nà' ati inob gha mbe si ya' bon Dwiye. 13 Chəyi mbi ya'i bon Dwiye icheg we ne wàd-aku we gwìye nwan, kà icheg we ne wàd-aku we chù'rə, kà icheg ne we kàbà. À ya kwà' məd Dwiye nà'i ati inob gha mbe ya' ìmbi bon."

Dwiye ya ghìyà inug tì ine icheg mba' we ghìyà inug tì ìmbi bon. Àghò ya ŋwan inga inabi Mad. Ane ya gha, àghò ya wàd ikaŋ àbòŋɔ, asiŋi ne Mad Dwiye we chùgha angu.

À ya Dwiye we se bè'è ìze mbè'. Med biri nà' ighi ijìm mbe ne mbe mbe kèbè inen. Wì biri chè anjìm Yeso Kristo nà' ighi inen inga ighi no' no' mbe ne med bèri. (Philippians 4:19). Dwiye fe chu'ri kwà' inug chom chom nòŋì ni ghì ine. Inug chom chom mbo ne anìŋ fe ko se dùyè kwà' ane nyumè we ne àghò kè bè ìtè feg we Dwiye we nà'à. Àghò ya ŋwan àkòŋì ne Mba' ne kòŋò bed wì bèri. Àghò ya ŋwan inga inebi ne bed mbe kòŋò ìtob nyamnyod. Aŋa ya iji'i anug ne àghò beri ni kyeri. Dwiye nà' ìtè feg ghọ ine ni ghì gha àghò ya' wèd

inga anug ìfòn Məd.

Àŋwà'rì gha Dwiye fə nà' ìtỳ ighèm imɔ' ine. À ya iku ìtỳ we ne Dwiye bèri. À ya ìtỳ we bè ghì Dwiye ya' aghi ne Wì yà'i. Aŋa ya ìtỳ Dwiye. À ya ìtỳ gho ya ghi gha imbè' iseg si bere yi ika ni nyimi Yeso. À ya iku ìtỳ ne wèd we bère anyumè ne wì zwème. Tesi' ya gha, àghò si bèrì ya' iku ìtỳ gho inga ine amad anìŋ!

"Anug ze ne wì gha imbè' ìwi Dwan ya gha: Dwiye fə ghì gha tì jəg ìtệ ighèm imɔ' we ne Dwan məd we nà'à ina. Wèd ne ya'i ane anug amɔ' tì Dwan Dwiye biri jəg ìtệ we. Wèd ne chəyi wì ya'i ane anug amɔ' tì Dwan Dwiye, chəyi wì biri jəg ìtệ we. 13 Mə ya ŋwà'rà inug mbọ anìŋ inən, mbə mbe ne be Dwan Dwiye, ni gha mbè kyeri gha mbə biri jəg ìtè ighèm imɔ'." (1 John 5:11-13).

À ya məyi wàd ne bèri Dwan Dwiye ne bèri ìtè gho imbà' icheg ne ìtè gho ya Dwan Dwiye we nà'à. Anyumè ne àghò kè nìŋi Dwan Dwiye, à ya ltè ghọ ne àghò kè nìŋi.

Ìtỳ ya ghìyè gha imbè' anug mò'o ka yi chè awe ka. Wi ya ghìyè awe àghò ka inga inug ijìm. Kondi iku ìtỳ ne àghò fə bèri! Chəyi anug mò'o ne kà chè Dwiye. Amad aniŋ, àghò bèrì iku ìtỳ Məd. Ane ya gha, chəyi anug mò'o ne tì ze chè awe ka. À ya ane imbè' icheg ne Àzwighì Dwiye ze ne ya zwemne Yeso ane iwu, à ya azewən bə ya' inga ine! (Roman 8:11).

ÀGHÒ YA WƏD NE DWIYE FƏ GHI ÀGHÒ TƏM KÒ' IBO IMBÌGHÈ

2Kɔr 5:21 gha, "Dwiye ya ghì gha Kristo ya' wèd inug tibòŋ ne chəyi wì ya bèri anug tibòŋ. Dwiye ya ghì ane ni gha tì we tì tì təm kò' imbìghè abə Dwiye anyumè ne tì ya'i ane ifɔti tì Kristo."

Nin gha Dwiye nin ìwi ikuchèg zì igun ine. Wì ya ghì Yeso Kristo ya' aghi àfàtì ni chì ìmba inug tibòn, sì ghì tì təm kò' ibo imbìghè icheg ne tì ya'i ane anug imò' tì Yeso Kristo.

Aŋa ya aghi ne ya ghi Yeso niŋ àze ati ku icheg wèd inug tibòŋ igun azed aba'ri. Aghi ne Yeso ghi ya gha àghò we tì àghò təm imbìghè abə

Dwiye ne chəyi tìnìrètog imbà' inug tibòŋ. Chəyi àghò we bà nìŋa ìwe nyod icheg wàd ne chəyi wì kò'i ni təm imbìghè aba Dwiye. (Heb 10:19, Rom 5:1).

DWIYE FƏ GHÌ ÀGHÒ TƏM KÒ!

Ni təm kò' kə mbi gha? À ya ni gha chəyi àghò gùghi anug. Abə Dwiye, chəyi anug tibòn mò'o ne àghò gùghi. Ànwà'rì Dwiye gha, "Icheg ne Dwiye fə ghi tì təm kò' anjim ibefin, tì fə si ane àbɔròbɔd tì Dwiye anjim iwa Anɔnisəg Yeso Kristo." (Rom 5:1). Dwiye fə ghì àghò təm kò'!

Anyumà ne Yeso ya ku igun azed aba'ri, wì ya niŋ ìze nga' ze ne àghò ya bèri ni zạ anjìm imbe inug tibòŋ. Wì ya niŋ nga' ze ane ne mad ya gùghi anug mò'o ka. (I Pità 2:22). À ya aton ne chayi

Dwiye we ywìrè nyìme awe imbè' ìmbe inug tibòŋ. Àŋwà'rì Dwiye gha,

"Ane ya gha, Dwiye ya chè anjìm Kristo mànì achɔb tì bəd ni gha tì ya' bəd məd. Chəyi wì ya taŋi inug tibòŋ bəd zì igun inɔb. Wì ya zì ikən imbè' anug ni mànì achɔb inga ita tikye ibo gha tì se ghà abə bəd."

(2Kòr 5:19).

DWIYE Fa Sò AWE ÀGHÒ ZEN!

Niŋ gha àghò fen inga ibighi ne tìcha' ya'i inga zo' nyod ndìpì ndìpì. Wèd mò'o si yè'e wètì ni chì awe ghì àghò du inga ibighi we. Imbè' aghi ne àghò bèri ni si ghì ya ni niŋ nyumè sò ìwe nyod kwà' icheg chom? Ane ya ni "sò tìcha' ze chì." Ni nò' sò tìcha' ze ajìm, àghò biri kirə ika bè niŋə nyumè.

1Kòr 6:11 says

"...Bəd mò'o abò' inən yaya ghìyè inug mbo. Si ya gha, ika Anonisəg Yeso Kristo fə chè anjìm Azwighi

Dwiye sò awən bè zèni awən, ghì mbə təm kò' imbìghè abə Dwiye."

Ni sò nyod ya inug ibe: À ze mbègtog ya gha Dwiye chì awe inga ibighi ticha'. Aŋa ya ìtệ feg we ne Dwiye nà'i ine. Kwà' anyumè ne Dwiye fe nà'i ìtệ feg ine, Àŋwà'rì Dwiye gha àghò fe chì awe inga iseg si niŋ awe ane Med. Anug ne beni abò' ya gha, àghò bèrì ni se sò tìcha' ze chìyè icheg ne àghò we nìŋe Ìngam Dwiye we ne kòpo ìwe ikondi (Rom 12:2).

Anug ni kopi ìwe ikondi ya anug ne àghò we chè imbìghè ni ghì. Ìwe ikondi ya ya' ni nèn inug bè niŋ inug icheg àghò we bàrà: Àsi amad anìŋ, ni kopi ìwe ikondi ya ni se nè inug bè nìŋə inug icheg ne Dwiye we ghìyè. Àghò bèrì ni ywìri nani ni se nìŋə inug icheg ne Dwiye we nìŋə. Ane, àghò biri se ghà inug icheg ne Dwiye we ghà inga Ìwi Ìngam, inug bè se yà'a ine icheg ne mbe yà'a abə Dwiye.

DWIYE FO PUMNI AWE!

".. bè nà'à meyakà abe ìwa Mba'. À ya med fe ghi tì kò' ni jeg anug ìfòn ìzeze ze ne med ya fe nòni abe bed Dwiye. \v 13 Med fe chì awa ikye ibo abe tika afub, si nà' ati ina inga anug ìfòn Dwan med ne wì kòni." (Kòl 1: 12-13).

Nò' ane nyumè we ne àghò ya niŋi Anɔŋisəg Yeso Kristo inga ìwe ìtè, àghò ya si wèd inga anug ìfòn Dwiye. Chəyi aghi mò'ɔ ne tì azwighi tibòŋ mò'o dù inga asini ichə ghì ine. Dwiye fə chì awe inga tikan tijìm ne àghò ya nyi inga, ikyè'i kè abən. Dwiye fə chì awe inga aku inug tibòn ajìm, ikuchèg tibòn ijìm, aku aghon ajìm ne ya nyimi awe. Aton ne chəyi ywìrè yi inug mbo igun ine ya gha Dwiye fə chì awe ikye ibo abə tika afub!

Àŋwà'rì Dwiye gha Dwiye fə chì awe ikye ibo abə tika afub si zì awe inga Àzi anug ìfòn. Chəyi àghò bèri ni ywiri bo aghi mò'o ka. Dwiye ya se kyè're awe icheg àjənjèg we kyè'rè ìti njèg. (Psalm 23:1).

Àŋwà'rì Dwiye gha: "Dwan Wèd mə pùmni awən, ane ya gha, mbə fə pum kwà' tesi'." (John 8:36). Dwiye fə ghì àghò si wèd inga anug ìfòn Məd. À ya asiŋi ne àghò we se angu amad anìŋ, inga anug ìfòn Dwiye. Dwiye fə chì awe ikye ibo abə tika afub. Kyeri gha aŋa ya aghi ne Dwiye fə ghi, kayi aghi ne Wì biri ghì. Wì fə chì awe ikye ibo abə tika afub!

AZWIGHI DWIYE ZE INGA INE!

Anug kyen ndəŋ ne ya'i inga ìtỳ feg ghọ ya gha Azwighi Dwiye ya yè'e se chùghə inga ine. Anyumè ne Azwighi Dwiye ye'e se chùghəAnother great part of this new life is inga ine, Ze ya wètè awe ni ghì gha àghò kyeri Ìngam Dwiye we taŋ zen ine inga atog.

Ane, anyumè ne àghò we nàna Àŋwà'rì Dwiye, ikuchèg ne àghò kyère inug angu ya yi icha. Ìngam Dwiye ya se tesi' inga ìwe ìtè.

Anug ndəŋ ne Azwighi Dwiye ze ghìyə ya ni ya wènde Ìngam Dwiye ine (Jon 14:26). Anug

ndəŋ ya ni nà' ika ine ni ghàm Ìngam Dwiye abə bəd ndəŋ se mètè ikən chəm imbè' Yeso Kristo.

"Si ya gha, mbə biri bèrì ika anyumè ne Azwighi Dwiye ye'e igun inən. Mbə biri si dù ghò ane ika we si ya' bəd ne ghà inug imbè' amə mà isiŋi ijìm. Mbə biri ko a Jèrusalèm, ghò inga aba aben Jùdeyà ajìm tì inga aba aben Sàmariyà ajìm foro inga iben mbe ne ya'i igun isəg ijìm." (Ìfà'ì 1:8).

AGHI NE ÀGHÒ BÈRI NI GHÌ ANYUMÀ NE ...

TIKONDI TIBOD TE YÈ'E INE INGA ATOG

Dwiye mə nà' ìth feg ine kayi ze chwi gha chəyi akwa'rı biri ywiri ye'e igun ine. Tesi' ya gha, chəyi aghò bèri ni ya fà'a ya' inug ne ìkwa'rı mbe gha ine gha aghò fa'a. Anwa'rı Dwiye ze chwite ina gha, anyumè ne akwa'rı ye'e igun ina, Dwiye we chwiye icheg ina ni ghi inug angu ne chəyi ti biri gug akwa'rı (1Kòr 10:13). Ane, anyumè ne tikondi tibòn ye'e ine inga atog, aghò mənyi' fa' inug mbo ne anin:

(1) Àghò Mənyì' Wendi Gha Àghò Ya Si Wèd Feg Ne Dwiye Fə Tàngi

Tikondi tibòŋ ya yè'e ye'e. Kayi inug ne ya'i inga ine. À ya àkwà'rì ne nò'ò abə Debrè. Amad anìŋ ne Dwiye fə nà'i ìtè feg ine, kayi àghò we tànga tikondi tibòŋ te inga àze atog. Àŋwà'rì Dwiye gha, mba me ne ya'i bon mbe ne Dwiye fə nà'i ìtè feg ina, tì bèrì iku ikondi ifibì tì Kristo (1Kòr 2: 16). Àghò mənyìg wèndi gha àghò ya iku wèd feg ne Dwiye fə tangi! Dwiye ya kà kèbè gha tì ya kà wènde gha mba ya bəd feg ne Məd tangi bè nà' ìtè feg ina. Ìtè feg gho ya aghi àghò bèri ni be inga fìŋ gha à ya icheg àghò ya'i.

(2) ÀGHÒ MƏNYÌ! YA ZÙGRƏ DWIYE

Àghò ya zùgrə Nwiye! Din gha ikəndi mə'ə yè'e ine inga atog ni fà' anug tibən mə'ə ne àghò

we kè bè fà'à. Ze ya chwìye gha nji àghò mənyi' fà' anug ze. Ighəm mò'ɔ àghò fə chè ko ni ko fà' anug tibòŋ ze. Si ya gha, kwà' anyumè ne àghò wèndi gha àghò ya si wèd feg ne Dwiye fə tangi bè nà' ìtè feg ine, ika ya yè'e inga ine ni sɔb anug tibòŋ ze.

Àghò ya zùgrə Nwiye! Àghò bàd gha, icheg ne Dwiye fə nà'i ìtèα feg ine ya kayi ze chwi gha chəyi tikəndi tibòŋ biri ywiri ye'e ine inga atog. Tesi' ya gha, chəyi àghò bèri ni sàŋì gha tikəndi tibòŋ ya sà'a awe. Àghò bèrì ni toŋ tikəndi tibòŋ te! À ya anug tesi' ne wèd mò'ɔ gha agha, "Chəyi tì àghò ghi gha imbè' tìnèn si firè awəb chè ine igun atog, si ya gha, àghò we tì àghò ton awe gha imbè' finèn mò'ɔ si kərə yi kàn ine igun atog."

Cheyi tì àghò sob tikondi tibòn imbè' icheg ne à ya aghi ne yè'e ye'e. Si ya gha, àghò we tì àghò ghì gha imbè' tis i chughi awob ine inga atog. Imbè' àghò sana awe gha tikondi tibòn chughi ine inga atog se sà'a awe. Icheg ne tì àghò ghi angu ya ni ya kòndo ya' inug chom (Fìl 4:8).

Niŋ àghò ya mbaŋà ne bèri ni ghì afed ne àghò ya'i àyi inga afed ze. Àghò biri zì ndwi àyi, ghàm icheg àyi bè fà' inug icheg àyi. Si ya gha, anyumè ne afed biri mèg, cheyi àghò biri nèbì gha àghò ya mbanà. Àghò biri no' ane asini ne mbe kè ghìyè afed, nyi atog neb kòpi ndwi zì kwà' ìte ndwi tesi', si dù se yè awe igun inonjì. Anyumè ne àghò dù ni ghò ane àfà'ì ane Mondè, cheyi àghò biri nèbì gha àghò va mbanà. Àghò biri va ghàmà bè fà'à ìmbe inug icheg mbanà. Ze biri ya' anug anèn anyumè ne àghò bèndi ghò ane asini àfà'ì pè se ghìyè inug icheg àyi icheg ne we kè ghìyè inga afed izimi we. À ya kwà' icheg ze ya'i tì ine. Àghò yaya ghìyè inug ane icheg ne chəyi mbi ko'i anyumè ne cheyi Dwiye ya kiri nà'i ìtè feg ine. Si ya gha, amad anìn àghò bèrì ìtè feg. Inug inga ìtè feg ya ìwiwən ne àghò bèri ni se ghìyà. Àghò fə ghì afed icheg àyi ane agha ne sa. Ane, nyumè mò'o ya mè pè àghò nebì gha àghò ya mbanà se ghìyè ìmbe inug icheg àyi. Si ya gha, àghò mə wèndi gha àghò ya mbanà, kayi àyi we inga afed, àghò ya sèmbe icheg ne àghò we ghìyè angu. Àghò ya mè sig ha, "Eyi! Mo ya mbanà, kayi àyi. Cheyi mà ya'a anìn inga afed. Ma bèrì ni ya' wàd ne mà ya'i!" Ana icheg ne ikuchèg tibòn we sòbo inga ìwe ìtè. Gha abə ìwe nyod gha, "Ne, mo ya wèd ne Dwiye fə nà'i ìtè feg. À ya mo tesi' we." Kè àkə

ikuchèg tibòŋ weg, anyumè ne àghò wèndi gha àghò ya wèd feg ne Dwiye tàngi, wì mènyì' sòbo. Gha abə ìwe nyod gha, "Təm! Mo ya wèd feg ne Dwiye tàngi. Mə sob iku anug ghọ."

Imbè' àghò saŋa awe gha ikuchèg tibòŋ mò'o che imbìghè inga ìwe ìtè feg. Imbè' àghò bə bo awe ni ghà abə bəd mbe ne àghò we kè fà'à inug ti bòŋ mbe tì inob gha, "O! Mə sòmò gha chəyi tì mə ywìrì fà' inug tibòŋ mbo imbè' icheg Dwiye fə nà' ìtè feg inum." Àghò niŋ nyumè foro ika we ne àghò we kè ghìyè inug tibòŋ se ghìyè ya' inug chom. Ghiyə ane kwà' ikyè'i. Àghò ne ikuchèg chom inga Àŋwà'rì Dwiye bè dèn ìwe nyod ni se ghìyè inug icheg ne Ingam Dwiye we ghà.

(3) ÀGHÒ YA FÀ'À INUG ICHEG NE ÌNGAM DWIYE WE GHÀ

Chəyi Dwiye kèbi gha tì ya kà zùghə Ìngam Məd zughi. Wì kèb gha tì ya fà'à inug icheg ne Ìngam Məd we ghà.

> "Imbè' mbə si tambi awən ìwən nyod gha mbə mbe zùghə ìngam Dwiye.

Mbə fa'a anug ne ingam we we ghà. \v 23 Wèd ne zùghə ingam Dwiye ne chəyi wì ya fà'à anug ne ingam Dwiye we ghà, tengàn ya icheg wèd ne nè iwi ife inga manèm, \v 24 ne anyumè ne wì nè iwi nyod, wì nò' ghò yi, bè nèbì icheg ne wì ya'i kwà' ati." (Jem 1:22-24).

Àghò ya yà'a wèd ne fà'à inug ne Ìngam Dwiye we ghà anyumè ne àghò we wènde inug mbe bè fà'à. Tesi' ya gha, àghò biri ya kà wènde inug mbe. À ya ane imbè' icheg ne à ya àfà'ì mò'o inga ìfà'ì mbe ne Azwighi Dwiye ze fà'à inga ina. Yeso gha, "Si ya gha, ìmə Mba' biri chà Àwètìbèd ane ìmə ikum. À ya wèd ne nà'à tikə abə bəd. Məd ya Azwighi Dwiye. Wì biri chwi inug ijìm inən, bè ghì mbə ya wènde inug ijìm mbe ne mə gha inən." (Jon 14:26).

Tì nà' məyakà abə Dwiye imbè' icheg ne Azwighi Dwiye ze yi tì ina mà nyumè ijìm. Məd ya wètè awa ni wendi Ìngam Dwiye! Anyumè àghò wèndi Ìngam ŋwiye, àghò mənyì' kirə ika ni fà' inug icheg wig gha. Imbè' àghò nwi'e awe nyod ako ni wendi. À ya Azwighi ŋwiye biri ghì àghò wèndi. Don't be troubled about remembering; the Holy Spirit will bring it to your remembrance. Si ya gha, àghò fe chu'ri ìwe nyod ni zugri amed anyumè ne Wì ghi àghò wèndi anug ne Ìngam Dwiye gha.

(4) ÀGHÒ MƏNYÌ' WÈNDI GHA CHƏYI INUG TIBƏD BERI NI NYIMI AWE ASEG

Anug ne àghò mənyì' wèndi ya gha, chəyi tì tikəndi tibən nyimi awe aseg kirənde ya àghò sani ìwe nyəd ikye ibo abə tikəndi tibən.

"Chəyi inug tibòn bèrè ika igun inən...." (Rom 6:14). Chəyi inug tibòn beri ika ni sa' awe. Chəyi anug tibòn mò'o biri kà chè awe imbè' icheg ne Dwiye fə ghì ìchòmì ine, chəyi àghò ywirì ya' aton mànò'ò Mose. Ana ya anug ne Ànwà'rì Dwiye imbè' awe.

Dwiye fə pumni awe chì ikye abo abə inug tibòŋ fərə tika afub, si zì awe inga Àzi anug ìfòn:

"... bè nà'à məyakà abə ìwa Mba'. À ya məd fə ghi tì kò' ni jəg anug ìfòn ìzeze ze ne məd ya fə nòŋi abə bəd Dwiye. \v 13 Məd fə chì awa ikye ibo abə tika afub, si nà' ati ina inga anug ìfòn Dwan məd ne wì kòŋi." (Kòl 1:12-13).

Aŋa ya asiŋi ne àghò si ya' angu amad anìŋ ne Dwiye fə nà'i ìth feg ine. À ya bə aton ne chəyi tika afub ywiri bèrì ika igun ine. Tika afub ya asiŋi ne inug tibòŋ ya'i angu. Àsi awe, àghò ya inga ìth we ne Dwiye we nà'à, ne kà chè inug tibòŋ. Ane, chəyi tì ingu tibòŋ tì tika afub bèrì ika igun ine.

Kòl 1:14 gha, "À ya Dwan məd we ghi Dwiye zèri awa chì inga ngə' icheg ne wì wa'i ìmba inug tibòŋ." Dwiye fə pumni awa icheg ne tì ya'i ane anug amo' tì Yeso Kristo. Aŋa ya aghi ne Dwiye fə nà'i ina inga nyumà isəg gho (Èfi 2:5-6). Kayi aghi mò'o ne te kìrə ika ni ya'. Tì fə ya'ane amad anìŋ! Tì mənyì' kyèri ane bà ya wènde bà gyènde gha à ya ane ni ze ya'i.

AGHI NE ÀGHÒ BÈRI NI GHÌ ANYUMÒ NE ...

ÌMBE MƏ SƏ ' ANUN MBE KƏ BƏ NI TƏMNI AWE

Amad anìŋ ne Dwiye fə nà'à ìtỳ feg ine, àghò ya si ŋwan inga inəbi feg. Àghò ya kayi ywìrè ŋwan inga ìwe inəbi anun. Chəyi ze chwi gha àghò bèrì ni fə wa' məsə' anun mbe fərə bəd mbe ne àghò we kə jəgrə tì inəb. Àghò bèrì ni chwi ìzeze inəb. Mbəb kiri biri inga afub imbə' icheg ne chəyi mbəb kiri beri Yeso Kristo inəb inga fiŋ. Àghò mənyi' wendi gha àghò ìzeze Dwiye ne beri ni zen inəb. Ane, àghò gha ikən chəm imbə' Yeso Kristo inəb ni ghì gha mbəb bə be Yeso.

Anyumà ne mbob mbe kàbà ni niŋ awe bàndì anjìm, aghì ne àghò bèri ni ghì àka agha? Àŋwà'rì ŋwiye gha inga, ineg mbe ne isag we se ghi nwìyè, bad inug ako biri ye'e ne biri se ghìyà tiku inug ijìm ne mbob mbe kàndo bà se chà'a tesi' (2 Pità 3:3-4).

Bed inug ako mbo ya bed mbe ne kèbè ni niŋ awe bèndì ghò anjìm inga ìtè anun. Anug ne angu ya gha àghò menyì' ton anug ne mbob mbe ghà. Imbè' àghò saŋa awe gha ìwob ikuchèg ghiye awe àghò wa' anug ne àghò we yè tì Kristo. Imbè' àghò ne ya'i inga izeze si foto awe tì mbob ne ya'i inga afub. Imbè' àghò nìŋə awe ikə inob. Àghò taŋ təm kà ni fà' ya' anug Dwiye we ghà inga Ìngam Məd.

Àғэті Тівэр

Inga ineg mbe ne mbi yaya ghùyè ibon ane nyam, wèd ne fà'à a mben yaya zìyè fìkwen fimo'ane ameg abe nyam tibe, si tìŋè aso ne ghùyè ibon ane fikwen fe. Nyam te yaya mèdonkì kè pòŋ. Mbi ya zìyè donki tì donkì ane fikwen fimo' kè pòŋ tì pòŋ. Aŋa ya icheg ne àfoti chom ze yà'a.. Icheg

ne fikwen fimɔ' nyimi nyam tibe, nyam te ya fɔrɔ yè ghò ane aba afibì. Icheg ne te yè, ti a sìmè aso se ghùyè ibon. Aba ne nyam ifibì gho angu, izin tì nyam bèrì ni bə ghò angu imbè' icheg ne mbɔb məjìm mbe ane fikwem ifibì. À ya wèd mben we chwìye aba ne ti beri ni ghò angu imbè' ghù ibon. Nyam te ya yè ghò ane aba amɔ' imbè' icheg mbɔb mbe ane fikwen fimɔ'.

Fikwen mè bèrì məyi medonkì itog ijìm kè məyi pòŋ itog ijìm, à ya àfɔti chɔm ze ane. Àsi fikwen ne mbi ziye donkì atog azo si zì pòŋ atog azin, à ya àfɔti tibòŋ (imbè' icheg ne kayi iku nyam ifibì ya'i angu). Ze mè chwi gha tì ya' ane anug amɔ' tì wèd mɔ'ɔ, tengàŋ bèrì ni ya' icheg ina. Ane ya gha, wì bèrì ni bə ya' wèd ne Dwiye fə bə nà' ìtè feg ibo. Ze mè chwi gha tì ya jègrə tì wèd mɔ'ɔ, tengàŋ bèri ni ya' wèd Kristo. Ane, ze biri ya' àfɔti chɔm. Àsi ne wèd kristo we jègrə tì wèd ne chəyi wì be anug Kristo, à ze ya àfɔti tibòŋ. Dwiye we ghà ina gha, "Imbè' mbə ya jègrə awən tì bəd mbe ne chəyi mbi kyeri Dwiye." (2 Kòr 6:14-16).

Àghò bàd gha àghò mə ya' ane àsè' tì wèd

ne chəyi wì be Yeso Kristo, ya fà'à inug tì məd, ane ya gha àghò zì fikwen tibòŋ, ne chəyi ze kò'i. Chəyi Dwiye kèbi gha àghò ya jègrə tì bəd ne chəyi mbi kyeri Dwiye, ya fà'à inug tì inɔb, icheg fikwen tibòŋ. Chəyi bəd ne chəyi mbi kyeri Dwiye beri ni ya' ìmbe mèsè' ne àghò taŋ kòŋ.

Aŋa ya anug ne chəyi ze ko'i ni ya', bè ya' anug ne chəyi Dwiye kèbi imbè' icheg ne à ya àfɔti tibòŋ. Ikuchèg ne àghò we nè bəd angu, chəyi tì wì ya' icheg ikuchèg ne Dwiye we nè bəd angu.

Anyumà mò'ɔ, Dwiye ya cha Samùwè inga achan Jesè ni gha wì gho cho' ŋwan ìwi Jesè mò'ɔ ane ifon inga aben Izre. (1 Samùyè 16:1-13). Anyumà ne Samùwè ya bàri ŋwan mbeg ne ikum məd ya Elìyàb, Samùwè ya gha, "Aŋa biri ya' kwà' wèd we ne Dwiye chò'i gha wì təm ibo imbìghè icheg ìfòn." Wì ya ghà ane imbè' icheg ne Elìyab ya sà, faŋ bè bòŋ. Si ya gha, Dwiye ya ghà abə wèdkèn Məd gha, "Imbè' àghò zò' awe məd imbè' icheg ne Mə fə to amə məd." Dwiye ya chè imbìghè gha, "À ya ane imbè' icheg ne wèd ya nè wèd icheg ne wì ya bàrà anjìm asaŋ.

Si ya gha, Dwiye ya nè wèd ya' ane fin, wèd we ne ya'i anjìm inga." Ane, àghò ya nè wèd icheg ne wì ya'i anjìm asan; inug ne wì ya ghà, icheg ne wì ya'i, icheg ne wì ya yè... Àghò we tì àghò gha inug no' no' imbè' wèd ane ighi mbo ne ya' anjìm asan. Àsi Dwiye, wì ya nè wèd ya' icheg ne wèd ya'i anjìm inga.

Wèd ne cheyi Dwiye kè nà'i ìtè feg ibo, cheyi tì Dwiye niŋ amed gha wì bèrì azwighi chom. Aghi ne ghìyè Dwiye nìŋə wèd gha wì bèrì azwighi chom ya meyi ìtè feg we ne Dwiye nà'i. Ane, à ya meyi wèd ne bèrì ìtè feg we ne Dwiye we nà'à ne tì wì ya' ìwe ìsè'. Àme kayi ane, cheyi wì kò'i ni ya' ìwe ìsè' imbè' icheg ne cheyi wì kò'i ane icheg ne Dwiye we kèbè. Amad anìŋ ne àghò fe bèrì ìtè feg we ne Dwiye we nà'à, àghò bèrì ni se ghìyè ya' icheg ne Dwiye kèbi, kayi icheg ne àghò kèbi. Aŋa ya iji'i anug ne àghò bèrì ni kyeri.

AGHI NE ÀGHÒ BÈRI NI GHÌ ANYUMƏ NE ...

ÀKWÀ'RÌ FORD NGƏ' KA KA YE'E IGUN INE

Inga Mag 4:1-9, Yeso mètì inug ina imbè' wèd ne ya gho a mben ni nyò' ighi. Wèd we ya nwì ngwèd; zi mò'o ya fendi igun igho, zi mò'o fendi igun ìseg ka ka, zi mò'o fendi inga ìjènì, zì mò'o ya bè fèndi igun ìseg chom. Inga ikwiti kwa kwa 16 tì 17, Ànwà'rì Dwiye gha,

"Bəd mɔ̀'ɔ ya icheg ighi mbe ne ya fendi igun igho. Mbɔb ya mə̀ zug ìngam Dwiye, mbi niŋ ane igyendi kwàʾ ati ati. 17 Si ya gha, chəyi ìngam we ya taŋ nyi inga ìtəb fiŋ. Wì ya chùghə məyi ane iki nyumà. Anyumà ne nga' yè'e, kà anyumà ne mbi cho'i ìmbəb ibə'i ighog imbà' ìngam we, mbi ya toʻ awəb ìngam we kwà' ati ati."

Yeso ya ghàmà imbè' bəd mbe ne chəyi ingam tan nyi inob inga fin. Ane, anyumè ne àkwà'rì ye'e mbi ya nyì'è məyi ane iki nyumè kwa kwa. Wì gha tiku bəd to ya gyen ni be ingam Dwiye, si ya gha, anyumè ne àkwà'rì foro nge' ka ka ye'e igun inob anjim ingam Dwiye we, mbi ya gana. Ana ya anug ne fə ghi bəd ndan ndàn. Anug ne Yeso we ghà ana asini ya gha bed ndan ndan mbe angu ne chəyi mbi tan kòn aməd kwà' ane fin ijim. Mbi ya gye İngam Dwiye imbè' icheg ne wi ghami imbè' icheg ni jəg ìtè ighèm imo', ghàm imbè' icheg ni ghì gha bəd ya gyènde, bè ghàm imbè' icheg ne tì Dwiye nà' iywiti ichug ane inug mbe ne te dèghè ibo. Si ya gha, chəyi mbi tan kòn Dwiye kwà' ane fin ijim. Ane, anyumè ne àkwà'rì ye'e, mbi bèndi awob aniìm. Ana va anug ne bə! Aghi ne àghò bèri ni ghì anyumè ne àkwà'rì kè nge' k aka ye'e ya ni ghì inug icheg Ìngam Dwiye we ghà.

(1) ÀGHÒ MƏNYÌ' TAD KÒD DWIYE ANE ÌZE FÌD JJÌM

Dwiye kèb gha àghò taŋ kòŋ ayi ane ìze fiŋ ijìm. Àkòŋì ze yètè kè chìtè. Àkòŋì ze ne àghò kòŋi Dwiye ya yètè anyumè ne àghò taŋ kòndɔ inug imbè' Məd, zùghə Ìngam Məd, bè mùghè tì məd icheg ne àghò we chà'rià Dwiye. À ya ane imbè' icheg ne àkòŋì ya yètè icheg ne àghò we jègrə tì wèd. Icheg ne àghò we tìnde iban Dwiye ya icheg ne àghò we taŋ kòŋò Məd. Icheg ne àghò we zùghə Ìngam Məd, taŋ kyère inug imbè' Məd, à ya bè icheg ne àghò biri bè taŋ kòŋ aməd. À ya bè ane ne àghò biri bè taŋ niŋ aməd inga ìwe ìtè.

Anyumè ne àghò taŋ kòŋ Dwiye ane fiŋ ijìm, Ingam Məd ya taŋ nyìye inga ìze fiŋ. Ane, anyumè ne iku àkwà'rì weg ye'e igun ine, àghò ya kyère anug ne Dwiye kèbi gha àghò ghiyə inga àkwà'rì ze. Icheg ne àghò kyèri ane, àghò biri bə ghà anug ne Dwiye kèbi imbè' àkwà'rì ze ghì ze chè.

Àŋwà'rì Dwiye gha ika ni ghì gha wèd ya' izom kè ghì gha wèd ku ya inga ichug. e (Proverbs 18:20-21). Ze bè gha, wèd ya ghàmà anug ne ya'i ibo inga fiŋ (Mat 12:34-35, 37). Anyumè ne Ìngam Dwiye sweghi ine inga fiŋ, àghò ya bàrà inug icheg ne ŋwiye we bàrà bè ghàmà icheg ne ŋwiye we ghàmà inga nyumè àkwà'rì kè àkə iku àkwà'rì weg. ijìm. Anug ne àghò gha ya anug ne biri dù!

(2) IMBè' ÀGHÒ BƏNDƏ AWE ANJÌM!

Anyumà ne nga' ye'e igun ine, imbà' àghò nò' bàndì anjìm. Icheg ne Dwiye nà'i ìth feg ine ya kayi ze chwi gha chayi àkwà'rì kà nga' biri ywiri ye'e igun ine. Anug ne angu ya gha, inga nyumà àkwà'rì ijìm tì nyumà nga' ijìm, Dwiye biri ya' tì ine wètì awe àghò chè. Psalm 23:5: "Àghò tàngi tijag nònì inum igun ikon imbighè aba ìmbum bad ìpàb ..." Àghò we tì àghò ya' kwà' inga ìsàn aba ìmbe bad ìpàb, si ya gha, chayi tì mbob ghì anug tibòn

mò'o igun ine ze dù. Chəyi tì àkwà'rì zweti awe!

Chəyi Dwiye kèbi gha àghò bəndə anjìm. Ane, àghò mənyì' təm kà! Kè inug kə ka iye, àghò məyi' təm kà! Dwiye biri niŋ awe chè inga iku inug ijìm. Ane, imbè' àghò be awe gha ìze fiŋ nire ni yèn ane inɔnjì Dwiye. Àghò fà'à inug ne Wì ya ghà ine, chəyi Wì biri nɔ' tam awe kè wa' awe. Àghò biri mà' chè inga iku inug ijìm ne àghò biri chè inga. À ya ane imbè' icheg ne inug ijìm ya zùghə ine. Àzayà 43:2 gha, "... anyumè ne àghò we chè inga igyi, chəyi wì biri kəndi awe. Anyumè ne àghò we chè inga iywid, chəyi wi biri tòn awe." Anyumè ne àghò we yè tì Yeso Kristo, kè àghò kə chè inga iku ngə' zeg, fà'a ibo bè bèni ibo anjìm ane ìze fiŋ ijìm.

"Tesi' ya gha, tì nà'à məyakà abə Dwiye ni ghì tì bèrì ika ni chè inug tibòŋ anjìm iwa Anɔŋisəg, Yeso Kristo. 58 Ane, imbum məfi foro itum njàbi ne mè taŋ kòŋ, mbè təm kà. Imbè' mbə si saŋa awən gha aghi mò'o chi're iwən ibefiŋ ka. Mbè ya fà'à àfà'ì ze ne Anɔŋisəg zi

inga ìtən tikye ibo ane ìzən fìŋ ijim. Mbə ya fà'à ane imbè' icheg ne mbə kyèri gha chəyi anug mò'ɔ ne mbə mbe fà'à abə Anɔŋisəg ne biri chè ako. " (1Kòr 15:57-58).

"À ya ane imbè' icheg ne wèd Dwiye ijìm fə mà' chè inug inga isəg. Tì we tì tì mà' chè inug inga isəg ijìm icheg ne tì nɔŋi fìŋ igun Yeso." (1 Jɔn 5:4).

Àghò bàd gha Dwiye ya fe chè anjìm ìwa Anoŋisəg Yeso Kristo ghì tì mà' chè. Ane, chəyi tì anug mò'o ywìrì kà chè awa. Àghò taŋ nàni anug ne Jon gha inga 1 Jon 5:4 kwà' icheg chom. Ati àŋwà'ri azo ya ghàmà imbè' icheg ne tì fe mà'i chè inug inga isəg icheg ne tì noŋi ibefiŋ igun Yeso Kristo. Àghò ya ghìyè inug ya' ane ibefiŋ we ne àghò nòŋi igun Yeso Kristo. Àghò ya wèd ne chəyi anug ze kà chè aməd. Dwiye fə ghì gha àghò ya' wèd ne chəyi anug mò'o ne kà chè awe icheg ne Azwighi Məd ghi àghò si ŋwan Məd.

AZWIGHI DWIYE TÌ INE.

ya Azwighi Dwiye ze ghìyè wèd berè ìtè feg (1Kòr 12:13, Jon 3:5-8). Anyumè ne Dwiye fe ywirì gwi awe ighəm ndəŋ, Azwighi ya fe se yi inga ine. Ane, àghò bèrì ni kyeri Wèd ne Məd ya'i bè taŋ kyèri icheg ne Məd we fà'à inga ìwe ìtè.

Àghò məyì' taŋ kyèri aghi Məd ye'e ni nà' ine imbà' taŋ jəg ìtè ighèm imɔ' we ne ya'i inga Yeso bè bèri ine'i we (1Kòr 12:8-10) fɔrɔ ika we (Lug 24:49, Ìfà'ì 1:4-8) ne Məd we nà'à ine icheg àghò

ya'i ane anug amo' tì Yeso Kristo.

W**àD NE AZWIGHI DWIYE YA'I**

Àŋwà'rì mètì inug no' no' inga isiŋi icha icha imbè' Azwighi Dwiye.

- Inga Ikan Anun, tì bàd icheg ne Med we nà'à ika fɔrɔ ikuchèg abə bəd ni fà' inug ne chəyi tì wèd-aku fa'. (Judges 14:6, 19).
- Inga Ikan Feg, tì bàd Məd fà'i ni ghì gha mbe gwi Yeso Kristo, fà' inga ìtè ìwi Yeso Kristo bà fà' inga àfà'ì ze ne Yeso Kristo ya bèri (Lug 4:18).
- Tì bə bàd icheg ne Med ya fà'i inga màmànənùg ìmbi Yeso inga Ìfà'i 2: 1-4.
- Med ya Dwiye. Dwiye ya bed metad inga wed ifibi, Med ya wed ne ane itad inga bed mbe ne ya Dwiye (Jon 14:16-17, Jon 15:26).
- Məd ya fə se yi angu boŋ nyùmà se ko (Genesis 1:2).
- À ya Məd we ghìyà tì barà ika Dwiye,
 Məd ya aba mò'o ane Dwiye ne fà'à inug mbe
 ne Dwiye ne ya'i Mba' we ghà (Genesis 1).

tì kònò bəd bè ghìyè chəyi te bo (2 Tim 1:7).

Məd ya Azwighi ne pùmnə bəd (2Kòr 3:17).

AZWIGHI DWIYE KAYI ...

Àŋwà'rì Dwiye ji'ì niŋ ighi mò'o icheg; ika, ifə, məwud, tì bupə ni tò'rì inug imbà' Azwighi Dwiye, si ya gha, ze bòŋ ni kyeri gha Azwighi Dwiye kayi ighi mbo ne anìŋ. À ya Məd we ji'è nà'à ika ni ghàm inga azwighi, si ya gha, Məd ya kayi 'tìngam azwighi te'. Məd ya kayi 'ika' si ya gha à ya Məd we ghìyà tì berè ika Dwiye inga ina Məd ya kayi azwighi ze ne ywìrè ghìyà gha àghò ya bo (Rom 8:15). Məd ya Azwighi ne pùmnə bəd (2Kòr 3:17).

Aton Ne Tì Beri Ni Bèrì Azwighi Dwiye

- Azwighi Dwiye ya nà'à ika Dwiye ina (Ìfà'ì 1:8). Ìngam ghọ ne mbi to'ri gha 'ika' inga Ìngam Grig ya 'dunamìs'. Dunamìs ya

'ika ne kòpo iku inug ijìms.' Tì ya bèrè iku ika gho anyumè ne Azwighi Dwiye ye'e se chùghə inga ina. Ika gho ya wètè awa ni kopi inug inga ìwa ìtè foro inga ìtè abə bəd ndən.

- Məd ya nà'à fiŋ k aka ina ni ghàm Ikən Chom imbè' Yeso Kristo (Mat 28: 18- 20, Mag 16:15-18).
- Məd ya chwìye icheg ni fà' inug angu ina (John 16:13, Romans 8:14).
- Mə ya nèrə awa (John 14:18, Acts 9:31). Məd ya mètè inug ina bè chwìtè inug ina (Jon 14:26, 1Kòr 2:11-12).
- Məd ya yè tì ina nè fà'à inug mà ineg ijìm (Jon 14:16).
- Med ya ghà abe àza tì azwighi gha mba ya bon Dwiye ne biri jeg ighi mbe ne nwiye we nà'à abe bed ne ya'i ane anug amo' tì Kristo (Rom 8:16; Èfi 3:6).
- Med ya ghìyè tì tème imbìghè abe
 Dwiye ane àkòŋì (Rom 8:15, 2Kòr 3:17; 2
 Tim 1:7).

ÀGHÒ WE TÌ AGHÒ YA' ANE ANUG Amɔ' Tì Azwighi Dwiye

Jon 14:17 gha

"Məd ya Azwighi Dwiye, wì biri ghì gha, bəd kyeri tesi' imbà' Dwiye. Chəyi tì bəd igun isəg gho nin aməd imbà' icheg ne chəyi mbi kwe'i bàd aməd, kà kyère məd. Àsi awən, mbə biri kyeri aməd imbà' icheg ne məd we abà' inən. Məd we bà inga inən."

Ni ya' ane anug amo' tì Azwighi Dwiye ya ni kyeri gha Məd we inga ine bà be àfà'ì ze ne Məd ye'e ni fà' inga ìwe ìtè. Ane, àghò bèrì ni nin nyumə ni mùg tì Məd bà tan kyèri Məd icheg ìwe ìsə'. Àghò ya yà'a ane anug amo' tì Məd icheg ne àghò nìnə nyumà ni chà'rì Dwiye, nàni Ìngam Dwiye bà zùgrə məd ni fà' inug mbe ne Məd we nàrə awe gha àghò fa'a.

Anyumè ne Dwiye gwi wèd ighəm ndəŋ, wì

ya swe aməd ane Azwighi Dwiye. Ni swe wèd ane Azwighi Dwiye ya ni ghì gha wèd we kwà' ijm si ya' inga Azwighi Dwiye. Aneni mò'o ya icheg ne wèd nìŋi botò nyèŋì aton mənib inga igyi, ghì mənib kəndi kwà' ijìm. Aŋa ya icheg ne ze yà'a anyumè ne Dwiye gwi wèd ighəm ndəŋ. Àghò ya Dwiye nyèŋi inga Azwighi Dwiye icheg ne mbe nyèŋè botò aton igyi.

Anug ne angu ya gha, ni nyèŋì botò we aton igyi ya anug afibi. Ni ghì gha mənib nyi inga botò we ya anug ndəŋ. Ni ghì gha mənib nyi inga botò we, ibighi mənyì' ya' ane botò we kè gòb botò we məyì' ghù' ne mənib biri chè angu ni nyi inga. À ya bè ane ne, anyumè ne Dwiye gwi wèd ighəm ndəŋ, tengàŋ mənyì' niŋ Azwighi Dwiye bè ghì gha Azwighi Dwiye nyi inga ine swe awe.

Tesi' ya gha, ni ghì gha Azwighi Dwiye swe awe ya kayi anug ne ghìyè məyi ighəm imɔ' inga ìwe ìtè. À ya anug ne ghìyè ywìrè ghìyè ghò ghò imbìghè ineg ijìm (Èfi 5:18). Ze ya yà'a ane ineg ijìm dè ane icheg àghò kyèri gha Məd we inga ine bè be àfà'ì ze ne Məd ye'e ni fà' inga ìwe ìtè. Ni ghì

gha Azwighi Dwiye ya swe awe mà nyumà ijìm ya ni ya taŋ mùghà tì Mad icheg ne àghò we chả'rà Dwiye, zà'à tikyeg ne ghùmnà Dwiye, nàna Ìngam Dwiye bà ya zùgra Mad ni fà' inug mbe ne Mad we nàra awe gha fà'a. Ane, àghò we tì àghò yen kwà' icheg ne Azwighi Dwiye ze chwìye inoniì ine.

ANUG NI YA GHÀMÀ INGA TÌNGAM NDƏD

Mə kè fə kwi'ì ghà gha à ya Azwighi Dwiye ze nà'à ika abə bon Dwiye gha mbe se ghàmà inga tìngam ndəŋ. Anug ni ghàm inga tìngam feg ya aneni mò'o abò' ineni mbe ne Anoŋisəg ya gha gha bəd mbe ne be aməd biri bèrì (Mag 16:17).

Aŋa ya inɔnjì ne Dwiye nòŋì gha azwighi wèd ne be Məd biri ya mùghè tì Dwiye angu. À ya ine'i ne Azwighi Dwiye ze nà'à ine.

Anyumè mò'o anug ni ya ghàmà ane tìngam ndəŋ ya mbi gha "ni ya chà'rà Dwiye inga Azwighi" Anyumè ne te ghàmà inga tìngam ndəŋ, tì ya ghàmà kwà' abə Dwiye (1Kòr 14:4). Icheg ne wèd

we ghàmà inga zwighi, wì ya wètè ìwi nyod ni təm kà bè wètè gha ìwi ibefin tan kà (Jude 1:20). Àza azwighi ya tan bèrè ika bè tan yà'a ika ika (Àzayà 40:31).

Anyumè ne Azwighi Dwiye fə ye'e;igun ine, àghò we tì àghò ghàm inga Azwighi ane nyumè ne àghò kèbi. Kayi Məd we ghàmà inga ine. ™ed ya nà'à ya' ika ine ni ghàm. À ya àghò we ghàmà. Ane, àghò we tì àghò ghàm abə Anɔŋisəg ane nyumè ne àghò kèbi.

Anyumà ne àghò ko ni ghàm inga tìngam ndan, kìra ika ni ya ghàmà mà nyumà ijìm, àghò biri si tan kyèri icheg ni ghàm. À ya bà icheg nwan kwa ne cherè kyère icheg ne ghà inug mò'o iki pi'ì. Icheg ne we ghàmà ywìrè ghàmà ya icheg ne gì mad ze tan ze. À ya icheg ne ze ba ya' tì anug ni ghàm inga tìngam ndan. À ya ìngam aben feg. This is the same with speaking in tongues. It's a new language, and although you didn't need to learn it, you become more fluent as you continue to speak. Chayi ze chwi gha àghò bèrì ni nani

boŋ se ghàmà. Àghò ya kyère ni ghàm icheg ne àghò we ghàmà.

Anug ndəŋ ne angu ya gha, icheg ne àghò we kə ghàmà inga tìngam ndəŋ ze ya wètè awe ni kə kwèghe inga Dwiye bà wètè gha àghò zamba bèrì tine'i ndəŋ te ne Azwighi Dwiye ze nà'à

ZE WA CHWI GHA ÀGHÒ MƏNYÌ! GHÒ INGA IFETI BƏD KRISTO?

Inga Matìyò16:18, Yeso ya ghàm imbè' ifeti bəd Kristo, ne ya nyàmnyod Məd igun isəg. Wì ya gha Zìye biri kod ifeti we həyi ika inga aben iwu bəd biri bèrì ika ni nimni ifeti we ne chəyi ika inga aben iwu bəd biri bèrì ika ni nimni ifeti we.

"Nyàmnyod wèd bèrì isiŋi nyod no' no'. Ka isiŋi nyod ji'ì nò', à ya məyi nyàmnyod imo'. À ya icheg ne ze bə ya' tì nyàmnyod Kristo. \v 13 Kè mbə kə mèJu kè bəd ne kayi màJu, kà məfeg kà bəd ne kayi məfeg, tì ya niŋ mənib anjìm Azwighi Dwiye ze amɔ'. Ane, tì fə fɔti si nyàmnyɔd imɔ'. Dwiye ya zì Azwighi ze amɔ' inga ina.

14 Chəyi nyàmnyod bèri məyi asiŋi nyod amo'. Ze bèrì isiŋi nyod no' no'." (1Kòr 12:12-14).

Mba ya nyàmnyod ne Kristo ya atog ane Nyàmnyod ze. Bed Kristo mejìm mbe ne Dwiye fe nà'i ìtè feg inob ya isiŋi nyod inga nyàmnyod ze, bè ya'a aba ane mèmbin (1Kòr 12:27). Icheg ne cheyi tì isiŋi nyod ane nyàmnyod wèd ya' awob icha icha, à ya bè kwà' ane ne cheyi tì isiŋi nyod ane nyàmnyod Kristo be bèrì ika ni ya' awob icha icha bè kiri fà' inug icheg chom. À ya ane imbè' icheg ne ŋwiye nà' tine'i icha icha abe bed inga ifeti bed Kristo. Tine'i to ya ni wètì ifeti bed Kristo ijìm (1Kòr 12:18-24; Èfi 4:11-12).

Ni ya ghò inga ifeti bəd Kristo, ya ni zugri anug Dwiye kèbi. Ni ya fète icheg bəd Kristo ya nà'à apan ina ni wètì wèd imɔ' imɔ' ane tine'i icha icha te ne Dwiye nà'i ina. Tine'i mò'ɔ ya icheg; ika ni fà' iyetinùg, ika ni ghù ighɔn, ika ni ghà ikən Dwiye ... Ze ya nà'à apan ine ni taŋ nàni Ìngam Dwiye icheg ne wèd ndəŋ we chwìte, zug iyetinùg ne bəd ndəŋ mbe mètè bè bàd icheg ne iyetinùg mbe dùyè. Anyumè ne bəd fɔtɔ asiŋi afibì ni chà'rì Dwiye bè ghùmni Dwiye, 'ika inò' ne Azwighi Dwighi ze nà'à ya yà'a inga ifeti ni fà' inug abə wèd imɔ' imɔ' ane ikuchèg ne ya'i icha icha (Hib 10:25; Ìfà'ì 1:14; Psalms 133:1-2).

Àmə chəyi àghò we ghò inga ifeti bəd Kristo ne Azwighi Dwiye ya'i inga, anug ni yèn icheg ne Ìngam Dwiye we ghà ya anug ne kà ni fà'. Anug ne bə;angu ya gha, anyumè ne àghò ghò inga ifeti bəd Kristo, ze ya wètè awe ni kyeri Ifeti bəd Kristo bè kyèri bəd ne ya'i inga. Ze ya bè wètè awe ni ghì gha àze azwighi, ne ya wèd tesi' we ne ya'i inga ine, wì kweg kà. Ze ya bè wètè awe ni ghì gha ze zama ine ni fà' inug icheg ne Ìngam Dwiye we ghà bè bèrì chùd angu.

Àghò ne ya wèd Kristo, àghò mənyì' kèb ifeti bəd Kristo ne ya'i iban ine ne àghò biri niŋ icheg àze achan bè ya fà'à inug mbe ne mbe fà'à inga angu kwà' igun ibo'ì. Àmə chəyi àghò ghi ane, àghò biri ya nìme inug chəm kwà' mbi ndan ndàn ne Dwiye we fà'à abə bəd Kristo. Àghò biri wa' inənjì tesi' ni yèn igun icheg ne Ìngam Dwiye we ghà. Amad anìŋ ne Dwiye fə ywirì gwi awe ighəm ndəŋ, àghò kyeri iku wèd ne àghò yà'i. Imbè' àghò bə wa' awe anug ni ya ghò inge ifeti bəd Dwiye. (Hib 10:25) – Àghò ya ghò inga ifeti bəd Kristo!

ANUG NI KWEG INGA KRISTO

Àŋwà'rì ŋwiye ze nèrə awa agha, "Àghò kirə ika ijìm ni təm imbìghè abə Dwiye icheg wèd àfà'i ne Dwiye be gha wè kò'. Təm icheg wèd àfà'ì ne chəyi wì bèri tìnirètog, bè təm icheg wèd àfà'ì ne nyimi tesi' we ne ya'i inga ìngam Dwiye kwà' icheg chəm." (2 Tim 2:15). Mə kòŋ ni ghà ine gha ìmba ìŋwà'rì mò'ɔ mbe angu ne tì mbi wètì awe àghò kweg inga Kristo. Ìŋwà'rì mbe ya tò'rò inug bè chwìte inug ane ikuchèg ne àghò mənyì' kweg bè bèrì chùd icheg àghò ya' wèd Kristo. Mbi biri ghì ìwe ibefin kweg kà ghì àghò ya' aghi ne Àŋwà'rì ze ghà imbè' awe.

Àghò kirə ika bèrì ìŋwà'rì mbe bè zì atog nàni. Àghò fa'a inug mbe ne àghò biri nani inga ìŋwà'rì mbe, si bàd icheg ne ìwe ìtè biri kopo se njàndi njandi.

Àghò mə kèb ni chè imbìghè ni kyeri inug ndəŋ foro àfà'ì ne Pastor Kris Òyàkìlomè we fà'à, àghò cha àŋwà'rì abə:

To contact the author write: Pastor Chris Oyakhilome:

United Kingdom:

Unit C2, Thamesview Business Centre Barlow Way, Rainham, RM13 8BT Tel.: +44 (0)1708 556 604

South Africa:

303 Pretoria Avenue Cnr. Harley and Bram Fischer, Randburg, Gauteng, South Africa. Tel:+27-11-326 0971, +27-11-326 0972

Nigeria:

Christ Embassy Plot 97, Durumi District, Abuja, Nigeria.

Nigeria:

Plot 22/23 Billings Way, Oregun, Ikeja, Lagos. Tel: +234-808 586 5700,

+234-817 198 7339 +234-802 478 9892-3

Please include your testimony or help received from this book when you write. Your prayer requests are also welcome.



Kris Öyàkilomè, D.Sc.,D.D., ya atog we d igun LoveWorld Inc. Med bèri ikuchèg ijim ni fà' inug no' no' ne we fà'à inga iseg ijim. Med ya Ba pasto, ne chwite inug, ghùye ighon, ghàmà igun tèlèvisòn, be ya' we d ne bed mbe taŋ zo iŋwà'ri med. Ba Pasto Kris bèri mbè' ni gha Dwiye ya' inga bed mejim igun iseg. Aŋa ya àfà'i ne med fe fà'i chè che ane titu' ighum itad. Wi fe be wèti bed kà akam ase 'e ni ghì gha mbi se mà'à chè ingainug ijim be se fà'à inug inga iwob itè icheg Aŋwà'ri Dwiye ze ghà. Med ya we d ne bed kyeri ane anug ni ŋwà'ri iŋwà'ri. Å ya med we ŋwà'ra "Rhapsody of Realities".

Áŋwà'ri azo ne me te "Timùghì imbe ' Tesi" ya aŋwà'ri ne temi imblighè ne bed inga iseg ijim mbe mùghe ti Dwiye icheg ne fo ŋo mà ineg ijim. Mbi fe tò'ri aŋwà'ri azo inga tingam chè che 3,000, inga iben 242. Med fe be ŋwà'ri inwà'ri nden ne che 30.

À ya Pasto Kris ko anug ne mbe chà'rà Dwiye online ne mbe kàrà ane @PastorChrisLive on KingsChat. Bed kristo inga iseg ijim ya fo to chà'rà Dwiye. À ya med be bère "Atmosphere for Miracles". Anug azo ne ya "Asinj ne iyetinûg mbe dûye"

ya nîŋe ika Dwiye yê'e kwâ' ine inga neb. Anug ni chwiti anug Kristo abe bed igun tèlèvisòn ya se mà iseg ijîm anjîm "LoveWorld satellite television networks".

Ighon ndan ndân fe mêg igun bed no' no' inga iseg ijim anjim âfâ'î ze ne Ba Pasto Kris we fâ'à inga "Healing School". Anug azo ne ya "Icheg ne Dwiye we ghùye ighon" ya anug ne bed tan kyeri inga iseg ijim. Dwiye ya fâ'à inug no' no' inga ane tine'i te ne Azwighi Dwiye ze nà'à



